

KOROSI

Khe Por Korosin Ndi Khergi Gap

Khe fharav ganinga buni khare.

Korosi, ana Esia ngu bakime fhain ki ngu baki mbe ma. Ana Efesus ngu bakime hara ki. Por nduara Korosi ngu bakimen sios khavgi fhuvara. Ana khanj muunggi, ana Efesusan kav, gumgi mbari ga sarigim, mbe Fhe Bakimen njara mbuav, ana buni vhuuinj ndiav mba fhainj ga ruigi. Mbe rua vov vhira Korosin vegi.

Por kama muenj mbararagim, gumgi mbari, mbe Korosin guigira Zisas kothigi gumgi gu mbigi, mbe mbe ndikndigi ngim, mbe guigira Zisas kothigi ndikndigi pham vui. Ana maanj muungiap, mbararagiap, kha gava khergiap, mbe guigira Zisas kothigi ndikndigi havhari zav mba gavar mbe ndi mbarigi. Ana mba gava khergiap, mbe ndi mbav, khanj mbe nzuai, Krai, ana za kha bigi gari guman pan ma. Krai nduara taagip nza ndigirga. Nza harigi tuavi zin ngirga nta nzan kurarga tukti fhuvara. Mba tuavi, nza nta zin ngirga, nza Krai thav, samra ngigirga. Fhe Bakime Kraisan panan, ana za kha bigi ga muunggi. Kraisan panan Fhe Bakime taagip za kha bigi ndir zav mbui. Krai nzan vhen kim, nza tivir njaka zin vui. Nza Krai tivira zin vui.

Por kha gava khergiap, guma phuni ga ningim, mani ana ndigap, Korosin vugi. Tikikus gum Onesimus, mani mba gava ndigap vugi. Kha guma

Onesimus, Por Firemon ndi gava kherav, ana ana nzuav buni vhirver Firemon ga suangi.

Krais, ana za kha bigir pan ma. Fhe Bakime kiri tivi gum anan tivi guigira ana ki.

¹⁻² Gu Por, gu Krais Zisas farasarigi njaara guma. Ana vuzvugar, Fhe Bakime anan njaarak muun zav nan farasarigi. Na phorgap guigira Zisas kothigi guma Timoti, nka kha gava khergiap, nde Fhe Bakimen gumgi gu mbigi, nde Korosi ngu bakimen kav, nza phorgap guigira Krais kothigap ana zin vui. Nka kha gavar nde ndi mbai. Nza Ndia Fhe Bakime fura nden korar muunv, ndava mitigar nden niinrim, nde kiri.

Mbe Korosin, mbe guigira Zisas kothigi.

³ Nza nde nzuav Fhe Bakime phorga nzuav, nza zazera nde ndikndigap, anan ndikndigap ana phorga nzuai. Ana nza bakime Zisas Kraisan Ndia ma.

⁴⁻⁶ Nza kha muungiap, nden kamen mbararagi. Nde Zisas Kraisan buna vhuuen nden higm, nde ne mbararagiap, nde Fhe Bakime nden mbugi bigir vhuuin, nta Hevenan ki, nde ne kothigap, nde nta ndirgen rarga ki. Nde maan muungiap, nde guigira Krais Zisas kothigap, nde wari wo ndavir za mba Fhe Bakimen gumgi gu mbigi ga ndiv, wari ki. Mbe za kha nuianan mba buna vhuuen bun nzuaim, gumgi gu mbigi vhirve mba

1:1-2 Ef 1.1 **1:1-2** Ro 1.7 **1:3** Ef 1.15-16; Fi 1.3; Fm 1.5; Hi 6.10

1:4-6 2 T 4.8; 1 Pi 1.4 **1:4-6** Mk 4.8; 16.15; Zo 15.16; Ef 3.2; 1 Pi 5.12

buna vhuuen khotigap, ne zin vov, mben tivi nzerigi. Mba khesharigi tivara nden rigar higi. Nde fharigi raara, nde Zisas Kraisan buna vhuuen mbararagiap, nde guigira Fhe Bakime fhura nde kora muungi kora muumbara kanji.

⁷ Epafra mba buna vhuuen nde khivim, nde ne kanji. Epafra, ana Kraisan njara guman vhuun ma. Ana nza phorga ngari guma ma, nza maan muungiap, guigira ana vuzvugi. Ana nza kurkurav, Kraisan njara vhuunra mbui.

⁸ Ana nde Fhe Bakimen gumgi gu mbigi, nde guigira wari won ndavi ndi mbe ndii tiv, ana ne bun nza suangi. Mba tiv, Fhe Bakimen Nina Njaar nduara mba tivar nde niingi.

Por havharar Korosin nin zav Fhe Bakime phorga nzuai.

⁹ Nza fharigi raar, nza nde mbui tiva vhuun kamen mbararagiap, nza zazera nden kurkura zav Fhe Bakime phorga nzuai. Ana nden kurkurarim, nde tuituigip ana vuzvuk kangirga. Fhe Bakimen Nina Njaar ndikndigi vhuuin kangirga, ndikndigi gum ndikndigi vhuuin za nden niingrim, nta guigira nden kirga.

¹⁰ Maan muungirga, nde guigira Guma Bakimen gumgi gu mbigi rui tivar muunga, ana guigira nde mbui tivi, ana za nta vuzvugirga. Nde mbarkirga njairir vhuuin, nde nta muunga. Nde maan muunv, tuituigip Fhe Bakime kangip, mba ndikndik kha ngigip havhargip, ngiv, kivgirga.

11-12 Nza Fhe Bakime phorga nzuav, nza kha suambara mbui, ana won nkasnkar vhuun bakimen, ana za mbar kirga nkasnkagir nden niinga, nde thigi havhargip, simtigi ndiv, mbarav kiv, mba simtigi ganirim, nta ngiv vhezirga. Nde ndikndigip, Dara phorgi suanjv, anan ndikndigirga. Ana nden kurkurigim, nde tivir vhuinjra zin vui. Nde maanj mbuim, ana nden mbuigi bigir vhuun, nde nta ndirga. Nde Fhe Bakimen gumgi gu mbigi phorgip mba bigi ndirga. Nde mba gumgi gu mbigi phorgip Fhe Bakimen, vhava njaarak kirga.

13 Nza fhum gingina nkasnkar vhen kim, ana gingina nkasnka vhen taagia nza ndigap, nza ndim, won Kama zin fagi. Mba Kam, ana guigira won ndavar ana niingi.

14 Fhe Bakimen Kam, ana taagia nza ndigap, nza muunji tivi mbatigi, ana nta vhezigi.

Por Krai mbui tivi ga nzuav, won njara nzuai.

15 Nza guma the Fhe Bakime gangirga tuktigi fhuvava. Fhe Bakimen Kam, ana ara fara muunji. Ana Fhe Bakimen Kama bar ma. Ana za kha Fhe Bakime muunji bigi gari guman pan ma.

16 Mba Kaman farver panan, Fhe Bakime kha Hevenan ki bigi ga mbuav, kha nuianan ki bigi ga muunji. Ana nza kha gari bigi ga mbuav, nza gari fhuv bigi ga muunji. Nza gari fhuv bigi khare. Ana han enseri havhari, njiniingi havhari, tori gu mbarivi, ana za mba bigi ga muunji. Mba bigi

1:11-12 Ef 1.11; 1.18-19; 3.16; 4.2 **1:13** Ru 22.53; Ef 2.2; 1 Te 2.12; 2 Pi 1.11 **1:14** Ef 1.6-7 **1:15** Zo 1.18; 2 Ko 4.4; Hi 1.3 **1:16** Zo 1.3; 1.10; Ro 8.38; 11.36; Hi 1.2; 2.10; 1 Pi 3.22

za anan Kaman farver panan hīgi, ana wo nzuav mba bigi ga muunji.

¹⁷ Mba bigi, nta zumgum hīgi, Krai fhum ki. Ana mba bigi ga mbuim, anan ŋkasŋkar nta nzer-ara wari wo ki ŋanin kav, nta wari tigap ŋari.

¹⁸ Ana siosan pan ma, sios ana kharik ma. Ana nduara zazera kiri tiva vhuun sios ga ndii niinge ma. Ana za kha vhezgi gumgi gu mbigi kharav, rimgiap, fharav khavgi guma ma. Maan muunjiap, ana nduara za kha bigi gari guman pan ma.

¹⁹ Fhe Bakime khueŋ vuzvugi, ana kiri tiv gum anan tivi, nta za anan Kaman kirga. Maan muunjiap, Fhe Bakime guigira ana phorga ki.

²⁰ Fhe Bakime za kha nuianan ki bigi gum Hevenan ki bigir muunjiap, nta za ana phorgap ndava bavira kirgeŋ vuzvugi. Ana maan muunjiap fhura Krai garim, ana khanarareŋ ga ntorgap rimgi. Ana khanarareŋ ga ntorgim, ana vizin siasuagim, Fhe Bakime nza panan ana kegi tivi, ana nta mbevigim, nza ana phorgap ndava bavira ki.

²¹ Nde fhum Fhe Bakime thav samra ki. Nde panan ana kegap, maan muunjiap, nde ndikndigi mbatigi ga mbuav, tivi mbatigir ana mbui.

²² Krai khanarareŋ ga ntorgap rimgi. Ana mba tiva muunjim, Fhe Bakime nde phorgap ndava bavira ki. Ana maan muunjiap, ana nde ndigap, won han zi. Nde ana niman ŋgaravra kiv, ana niman simtik thueŋ kirga fhu.

1:17 Zo 1.1-3; 8.58; 17.5; 1 Ko 8.6 **1:18** FG 26.23; 1 Ko 15.20; 15.23; Ef 1.10; 1.22-23; VB 1.5 **1:19** Zo 1.16; 3.34; Kor 2.9 **1:20** Ro 5.1; 2 Ko 5.18; Ef 1.7; 1.10; 2.13; 2.16; 1 Zo 2.2 **1:21** Ro 5.10; Ef 2.12; 4.18; Ta 1.15-16 **1:22** Ef 2.14-16; 5.27; 1 Te 4.7; Ta 2.14

²³ Nde guigira Zisas kothigi tiva suirav, guigira havhargip thigiri. Nde muunv kirim, bigin thuen, nde ngirgirim, nde mba mbararagi buna vhuuen, nde nen rarga ki, nde ne tharga. Gu Por, gu mba buna vhuuen bun nzuai njaara guma kav, nza mba buna vhuuen bun za kha nuianan ki gumgi gu mbigi ga suanji.

Por Korosin kurkurigi.

²⁴ Gu ntigem, nden kurkurav zaa ndi ne nzuav ndikndigi. Kraiss won siosan kurkurav ndigi zaagi vhezgi fhuvara. Sios, ana Kraiss kharik ma. Ntigem, Kraissan sios mba zaagi ndirga. Gu Kraissan sios figa muen ma. Gu ana siosan kurkurav won fhavara mba zaagi mbari ndi.

²⁵ Fhe Bakime nduara nan farasarigim, gu siosan njaara guma kav, gu nden kurkurigi. Gu guigira za Fhe Bakime buna vhuuen bun suanga njaara ki.

²⁶ Fhum tugivigen mba bunen zorga kim, mba gumgi gu mbigi mba bunen kanji fhu. Ntigem, mba bunen ne guigira Zisas kothigi gumgi gu mbigi niman kirar higi.

²⁷ Fhe Bakime wo vuzvugara, ana mba zorga ki bunen, ana nen nza guigira Zisas kothigi, ana nen nza khivigi. Ana maan muungim, nza kanji mba bunen, ne guigira buna vhuuen ma, ne za kha nuianan ki gumgi gu mbigir kurkurarga. Mba zorga ki bunen khaan muunji, Kraiss nde phorga ki.

1:23 Mk 16.15; Ef 3.17; 1 T 3.16; Hi 3.14 **1:24** Ro 5.3; 2 Ko 1.5-6; Ef 1.23; 3.13; Fi 3.10; 2 T 1.8 **1:25** Ef 3.2; 3.7-8 **1:26** Ro 16.25-26; 1 Ko 2.7; Ef 3.3-5; 3.9-10; 2 T 1.10 **1:27** Ro 9.23; 2 Ko 2.14; Ef 1.18; 3.8; 1 T 1.1

Ana nde ndigirim, nde ngip, ana phorgi kiv, ana bigir vhuuinj nde Hevenan nta ndirga, nde nen rarga ki.

²⁸ Maan muunjiap, nza Kraisan buna vhuuen bun za kha gumgi ga nzuai. Nza ndikndigi vhuuinj zin vuav, nza mba bunen mbe nzuav mbe khivav, kama havharara mbe nzuai. Ne khan muunji, nza khuenj vuzvugi, mbe guigira khan tigip havhargip guigira Zisas kothigi gumgi gu mbigi kirga, nza mben kov, Fhe Bakime han ngirga.

²⁹ Maan muunjiap, Kraisa na ndii nkasnka bakime, gu njaara mbatiga mbuav, mba njaara mbui.

2

Nza khan tigip havhargip Zisas kothigip, mba guiguigi buni, nza nta daanji mbur khingirga.

¹ Gu nde khuenj kangirgane vuzvugi. Gu khan tigap havhargia njaara mbatiga mbuav, nden kurkurav Raodisian siosan ki gumgi gu mbigi, gu mben kurkurav, vhira mba nan khoma gangi fhuv gumgi gu mbigi, gu vhira mben kurkurigi.

² Gu mba njaara mbuav, gu za mben ndavi havharav, mben ndavi khavi, mbe guigira wari won ndavir warir niinjv, mbe phorgip ndava bavira kiri. Gu khuenj vuzvugi, nde ndikndigi vhuuinj ndirim, mba ndikndigi nde Zisas kothigi ndikndik havhargirga. Gu vhira khuenj vuzvugi, nde vhira Fhe Bakime mba zorgi bunen niien, nde

ninje kanjirga. Krais, ana nduara mba zorga ki bunen nien ma.

³ Mba zorga ki bigi kanji ndikndigi vhuuñ kanji ndikndik, nta guigira Kraisan ki. Nta nkia ki phenan, nkia guigira ana givav ki fara muñgi.

⁴ Gu guma the nde raan shiv, nde guigirga ne vuzvugi fhu. Gu maan muñgiap kha bunen nde nzuai.

⁵ Gu nde phorga ki fhuvara. Gu won ndikndigar, gu nde phorga ki. Gu nde garim, nde nzerara wari tigap khañ tigap havhargiap Zisas khotigim, gu nde ganingen ndikndigi.

Nza guigira Krais phorgip, nza guigira kiri tivar vhuuñ ndigirga.

⁶ Nde Guma Bakime Krais Zisas ndigi, nde ana phorgi ruri.

⁷ Nde ana ti thigip havhargip, kha nuiana thigi farar muñgiri. Nde vhira, phena kina havharage ti thigi farar muñgiri. Nde nza mba nde khivav nde suangi bunan vhuueñ, nde kha tigip havhargip, ne khotigiri. Nde ne khotigip, nde zazera Fhe Bakime phorgip suany, ana ndikndigiri.

⁸ Nde tuitugirga wari ganiri. Nde muuñv kirim, guma the mbarkirga guiguigi buni kini gum ndikndigir nde suanyv nden muuñrim, nde ana ndikndigi zin ngegirga. Mba khesharigi gumgi, mbe wari won nzigi gum, kha buip gum, nuiana

2:3 Ais 45.3; 1 Ko 1.24; 1.30; Ef 1.8; 3.19 **2:4** Ro 16.18; Ef 4.14; 5.6; Kor 2.8 **2:5** 1 Ko 5.3; 14.40; 1 Pi 5.9 **2:7** Ef 2.20-22; 3.17; Kor 1.23 **2:8** Ga 4.3; 4.9; Ef 5.6; Kor 2.3; 2.18-20; Hi 13.9

gari niningi gu tori gu mbarivi, mbe ntan ndikndigi zin vui. Mbe Kraisi ndikndigi zin vui fhuvara.

⁹ Nde kanji, Kraisi ana nzara fara muungiap guma guara gegim, Fhe Bakime tivi guigira givav anan ki.

¹⁰ Nde Kraisi ntiri ma. Maan muungiap, Fhe Bakime guigira kiri tivar vhuun nde ningim, mba tiv guigira nden ki. Ana mba nkasnka ki bigi gu tori gu mbarivi, ana za ntan nkasnka mbevigim, nta za vergi. Ntan nkasnka, ana nkasnka kambararga tukti fhuvara. Zakira fhuvara! Nta ana piin kim, anan nkasnka mbe gari.

¹¹ Nde ana phorga kav, nde guigira warir fooi tiva ndigi. Mba tiv, ana nde fhura wari wo fhavi ga mbui tiv fhuvara. Zakira fhuvara! Nza Kraisi tivi zin vov, nza wari won ndava vura tivi, nza nta vharigim, nta nza thav sagi. Mba tiv, ana guigira fooi tiva guar ma.

¹² Nde ndavi dorgap, nde Zisasi phorgap ruagim, Fhe Bakime nde ndiv, Kraisi phorgap mboga tigi, nde ringi. Kraisi ringim, Fhe Bakime taagia ana khavim, nde Fhe Bakime nkasnka kothigap, ruagim, ana maan muungiap taagia Kraisi khavav, ana vhira nde khavgi.

¹³ Nde fhum mbarkirga tivi mbatigi ga mbuav, nde vhira Fhe Bakime gumgi ki fhuvara, nde maan muungiap, nde vhezgi gumgi fara muungiap ki. Fhe Bakime nde muungim, nde Kraisi phorga taagia khavgiap, zazera mbara muungiap ki bini bini ndigim, Fhe Bakime nza fhum muungi

tivi mbatigi, ana za nta vhezgi.

¹⁴ Fhe Bakime Moses ga niingi tivi, nta nza nzua nzuav, nza muungi tivi mbatigi ndi kira suav, nza nzuaim, nza nta nkasnkakar piin ki. Fhe Bakime, nza nzuav nzuai buni, ana za nta vharav, ana nta vhezgi. Ana nta vhezgiap, nta Krai khanararen ga tiga fugi.

¹⁵ Ana mba nkasnka ki njiningi, ana nta nkasnkagi vhezgiap, vhira mba tori nkasnkagi gu mbarivi nkasnkagi, ana vhira nta vhezgi. Krai ntorgap ringi khanararen, Fhe Bakime khuen za mba gumgi khivigi, ana za mba bigir nkasnka vhezgiap, ana mba bigi ga muungim, kha gumgi gu mbigi nta kang, nta za fhura ki bigi ma.

Nza Krai phorgap ringim, mba Moses suangi tivi gu bigi, nta nza kurarga tukugi fhuvara.

¹⁶ Nde fhura guma the ganirim, ana bun thuen nde si khan nde suan thari, “Nde mba gum mbi pi tiva zin vui fhu, nde rotu mbui tugi bakivi, nde nta zin vui fhu, nde kini kama higi tugar rotu mbui fhu, nde Sabatar rotu mbui fhu.”

¹⁷ Mba bigi, nta zumgum hirga bigir ntuu ma. Krai, ana guigira bigina guar ma.

¹⁸ Maan muungip, guma the ana rima kuv bigin the gangip, ana bun nde suanv khan nde suanga, “Nde wari mbevav, nde Fhe Bakime enseri rotur muunri.” Mba guma maan nde suanrim, nde fhura ana ganirim, ana nde mbevi thari. Mba khesharigi gumgi, mbe wari won ndava vura ndikndigira zin

vov, kha ndikndiga mbui, mbe nduarira guigira ndikndigir vhuuij ki.

¹⁹ Mbe maan mbuav, mbe guigira nza won gu-man pan Krai, mbe ana suira havhargi fhuvara. Mba pan, ana za mban won khariga ndiim, ana nkiriinj thivi, nta ana fhava phorgap nzerara ki. Maan muunjiap, ana kharik, ana Fhe Bakimen nkasnkarakar, ana vuzvugar, ana vhuuva kivi.

²⁰ Nde Krai phorgap rimgi, nde wom kha buivar ki njiningi gu nuianan ki tori gu mbarivi nkasnkarakar piin ki fhuvara. Maan muunjiap, nde thaanj nzuav kha nuiana gumgi rui ruru mbui? Nde thaanj nzuav vhira kha khesharigi tivi zin vui?

²¹ “Ndu ana suigi thari, ndu ana mbi thari, ndu fhura ana ganirim, ana ndu fhava kizrigi thari?”

²² Kha tivi, nta mba gu bigi ga nzuai. Nza nta mbegi, nta naar ki fhu. Mba bigi, nta vhemkora mbarigi bigi ma. Mba tivi, gumgi wari won ndikndigira nzuai tivi ma. Mbe nta nza khivav, nta zin ngir zav nza nzuai.

²³ Guigira, mba khesharigi tivi, nta kha khesharigi. Mba tivi, nza kha ganganan nta mbui. Nta nzan muunrim, nza enseri rotur muunga, nta nzan ndavi mbevirim, nza wari won fhavi vuzvugara zin ngirga fhu. Maan muunjiap, gumgi mbari, mbe kha ndikndigar mba tivi ga mbui, nza ndikndigir vhuuij zin vui. Mba tivi, nta nzan kurav, nzan ndava vura tivi mbevarga tukti fhuvara.

3

Nza Kraiſ phorga rimgiap, ana phorgap taagiap khavgi.

¹ Kraiſ rimgiim, Fhe Bakime taagiap ana khavav, vhirra taagia nza khavgi. Maan muunġiap, nza kha vun ki bigi, nza nta suanv ngariv, nta ndirga. Kha vun ki ngun, Kraiſ Fhe Bakimen guva haren ngui vhirve gari guman pan pigi mpirmpiriga perav ki.

² Nde zazera kha vun ki bigi ga ndikndigiri. Nde kha nuiana bigi ga ndikndigi thari.

³ Nde vhiſgi gumgi fara muunġiap, nden kiri tivi gu bigi, nta Kraiſ vhen zorgap, ana phorga kim, nde Fhe Bakime phorgap ki.

⁴ Kraiſ, ana nden kiri tivi gu bigir niinġe ma. Kraiſ nkasſka bakime phorgip kirar hirga, nde vhirra ana phorgip kirga.

Kraiſ, ana nzan vhen kim, nza tivir űkaa zin vui gumgi gu mbigi ma.

Nza tivir űkaa zin vui gumgi gu mbigi ga gegi.

⁵ Nde maan muunġiap, nde kha nuianan tivi, nde won ndavi vherir za nta shogirim, nta rimgiri. Gu kha khesharigi tivi ga nzuai, nde ruarir gumgi gu mbigi wari ndi tiv, nde ana thari, nde tivi mbatigi thari, nde ndavi khavav tivi mbatigi ga mbui tivi thari. Nde harigi gumgi bigi garav, nta nihi tivi thari. Harigi gumgi bigi garav nta nihi tiv, ana mbarivi gu tori rotu mbui fara muunġi.

⁶ Kha nuianan tivi mbatigi vuzvugap, Fhe

3:1 Sng 110.1; Mk 12.36; 16.19; Ef 1.20; Fi 1.30; Kor 1.29; 2.12; 1 Te 2.2 **3:2** Mt 6.33 **3:3** Ro 6.2; 2 Ko 5.7; 5.14; Ga 2.20; Kor 2.20

3:4 Zo 11.25; 14.6; 1 Ko 15.43; Fi 1.21; 1 Zo 3.2 **3:5** Ro 6.6; 6.11-13; 8.13; Ga 5.24; Ef 4.19; 5.3-5; 1 Te 4.5 **3:6** Ef 5.6

Bakime suangi t̄ivi daasui gumgi gu mbigi, Fhe Bakime mbe nzuav vheza mbatiga bevahegim, ana mbur ki. Ana mba vhezar mben n̄iṅgirga.

⁷ Nde fhum vhira mba gumgi gu mbigi phorga ruav, mba khesharigi t̄ivi, nde za nta muṅgi.

⁸ Nde ntigem, mba khesharigi t̄ivi mbatigi, nde za nta vhararim, nta nde thav sari. Mba t̄ivi mbari khare, vhegap, ndavi shiav, harigi gumgi ga nzuav ndavi mbarigi, buni mbatigir harigi gumgi ga nzuav, mbarkirga buni mbatigi guarira nzuai.

⁹ Nde bevbevira, nde phorgap guigira Zisas kothigi gumgi, nde mbe guiguigi thari. Ne khan muṅgi, nde mba ndava vura t̄ivi, nde nta vharigim, nta nde thav sagi.

¹⁰ Nde t̄ivir ṅkaa ndigap, nta zin vui gumgi gu mbigi ma. Fhe Bakime nde muṅgim, nde t̄ivir ṅkaa zin vuim, ana zazera ndikndigi vhuuṅ vhirver nde nd̄iv, nde muṅgim, nde t̄ivir ṅkaa zin vov guigira ana kanḡiap, nde ara fara muṅgir za mbui.

¹¹ Nza t̄ivir ṅkaa zin vui gumgi, nza za mba farara muṅgi. Nza kha ndikndigar muunga fhu, nza Grikiṅ ma, mbe Zudaiṅ ma, nza warir foṅgi nt̄iri ma, kheṅ warir foṅgi fhuv nt̄iri ma, nza harigi khesharigi kaa nt̄iri ma, nza harigi fhaiṅ nt̄iri ma, nza fhura ṅaara gumgi khini ma, nza bikb̄igi nt̄iri ma. Nza maan̄ suanga fhu. Kraiṅ, ana nduara za nzan vhen ki.

Nza guigira wari won ndavi wari ga nd̄ii t̄iva zin ṅgirga.

3:7 Ro 6.19-20; 1 Ko 6.11; Ef 2.2 **3:8** Ef 4.22; 4.25-31; 5.4; Hi 12.1; 1 Pi 2.1 **3:9** Ef 4.22 **3:10** Stt 1.26; Ro 12.2; Ef 2.10; 4.24 **3:11** Ro 10.12; Ga 3.28; Ef 1.23

¹² Fhe Bakime nden farasarigim, nde ana gumgi gu mbigi kim, ana guigira won ndavar nde niingi. Maan muungiap, nde mba khesharigi tivi zin ngiri. Nde guigira warir korar muunv, tivar vhuunra warir muunri. Nde guigira wari mbevav, nde mbarara harigi gumgi ga suanv, tiva mbatigen nde muungi guma, nde vhemkora ana suanv ndav shi thari.

¹³ Maan muungip, nden rigar, nde phorgap guigira Zisas kothigi guma the bigina mbatiga thuen nde then muungirim, mba guma mba simtiga ndiv, ana ana muungi tiva mbatigen, ana fhura ne ndikndik nangip, ne ndikndigi thari. Guma Bakime, ana nde muungi tivi mbatigi, ana nta vhezgiap, nta ndikndik nangi. Mba tivara, nde phorgip guigira Zisas kothigi guma the nde muungi tiva mbatigen, nde ne ndikndik nangiri.

¹⁴ Mba tivi, kha tiv nta phorgi. Nde guigira wari won ndavir nde phorgap guigira Zisas kothigi gumgi gu mbigir niiri. Mba tiv nza mbuim, nza wari tigap ndava bavira ki.

¹⁵ Krai, ana ndava miitigar nza ndiv, nza mbuim, nza wari tigap ndava bavira kim, mba ndava miitik guigira nde ndavi ganirim, nde kiri. Fhe Bakime nden kamgim, nde wari tigip, ndava bavira kiri. Nde kiv, zazera Fhe Bakimen ndikndigip, ana phorgi suanri.

¹⁶ Nde fhura Krai buna vhuuen ganirim, ne khan tigip nde ndavi vherir ngariri. Nde bevbe-

3:12 Ga 5.22; Ef 4.32; Fi 2.1; 1 Pi 2.9 **3:12** Ef 4.2 **3:13** Mk 11.25; Ef 4.32; 5.2 **3:14** Ro 13.8-10; 1 Ko 13.13; Ef 4.3 **3:15** 1 Ko 12.13; 12.27; Ef 2.16-17; 4.4; Fi 4.7 **3:16** 1 Ko 14.26; Ef 5.19; Kor 4.6 **3:16** Ef 5.19-20

vira, nde guigira Zisas kothigi gumgi gu mbigi, nde mbe phorgi suany, ndikndigi vhuuin mbe khivirim, mbe tivir vhuuinra muunri. Nde Fhe Bakimen ndikndigip wari won ndavi vherir ana phorgip suany, ana gavar ngavi ki nde ntan muuny, nde Fhe Bakime rotu mbui ngavir muuny, Fhe Bakimen Nina Njaar nde ndavi khavim, nde ana rotu mbui ngavi, nde ntan muunri.

17 Nde nzuai buni, nde mbui njaari, gum nde mbui bigi zam, nde Guma Bakime Zisas zin panan za ntan muunri. Nde ana zin, nde Fhe Bakime phorgip suany ana ndikndigiri.

Por guigira Zisas kothigi ndegi gu ndegmboriga nzuai.

18 Nde mbigi, nde won mani piin kiri. Mba tiv, ana Guma Bakime rimani niman nzerara.

19 Nde gumgi, nde vhira guigira wari won ndavir wari won muuin niunri. Nde mben muunrim, mbe ndavi mbarigi thari.

20 Nde tari, nde wari won ndegi gu ndegmboriga nzuai buni, nde zam nta mbararav, nta zin ngiri. Guma Bakime mba tiva vuzvugi.

21 Nde ndegi, nde wari won tarir muunrim, mbe nden kini thari. Nde maan muunga, mbe khuen ndikndigirga, mbe njaara vhuun then muungirga tuktigi fhuvara.

Por njaara gumgi gum mbe gari mpiinsigi ga nzuai.

3:17 1 Ko 10.31; Ef 5.20; 1 Te 5.18; Hi 13.15 **3:18** Ef 5.22; Ta 2.5;
1 Pi 3.1 **3:19** Ef 4.31; 5.25; 5.28; 1 Pi 3.7 **3:20** Ef 5.24; 6.1; Ta 2.9
3:21 Ef 6.4

²² Nde njaara gumgi, nde wari wo gari mpiinsigi nzuai buni, nde za nta zin ngiri. Nde mben raan shiv, mbe nde han kirim, nde mben rimgi vheri njaarir muun thari. Fhuvara. Nde Guma Bakimen riviv, nde zazera guigira njaara vhuunra muunri.

²³ Nde za mba bigir muunv, nde khan tigip nkasnkagip mba bigir muunri. Nde khan suan thari, “Nza guman njaara mbui.” Fhuvara. Nde Guma Bakimen njaara mbui.

²⁴ Nde kanji, Guma Bakime zungum vhezar nden nninga, ana mba bigir vhuun, ana ntan wo gumgi gu mbigir mbuigi nta ki. Nde khuen ndikndigiri, nde Kraisan njaara gumgi ki, ana nduara nde gari mpiinsiga guar ma.

²⁵ Guma tiva mbatigen muunji, ana mba tiva mbatigen vheza ndirga. Fhe Bakime tiva bavira zin vov, za kha gumgi gu mbigi muunji tivi mbatigi ga nzuav mbe nzuai.

4

¹ Nde njaara gari mpiinsigi, nde tivir vhuunra zin ngip, nde tivir vhuunra wari won njaari gumgir muunri. Nde khuen kanji, nde vhora, nde gari mpiinsik, ana Hevenan ki.

Nza khan tigip havhargip Fhe Bakime phorga nzuav, tuituigira kha nuianan rui tiv guigira havhargiri.

² Nde Fhe Bakime phorga nzuai tiv, nde ana suirav havhargiri. Nde maan muunv Fhe Bakime

phorgip suanv, nde ndikndigar vhuunra muunv, nde anan ndikndigip, ana phorgip suanri.

³ Nde Fhe Bakime phorgip suanrim, ana vhira nzan kurkurari. Nde ana phorgip suanv ana nzarim, ana tuav fhogirim, nza Kraisan buna vhuuej bun suanga. Mba buna vhuuej, ne fhum zorga kegi, ne ntigem kirar higi. Gumgi mbari mba buna vhuuej mbararagenj thagi. Mbe ne mbararagenj thav, na ndi bina khingi.

⁴ Nde na suanv Fhe Bakime phorgip suanrim, gu tuituigip Fhe Bakime na vuzvugi tivara, gu mba buna vhuuej bun suanga.

⁵ Nde sios thav kirar ki gumgi han kiv, nde ndikndigi vhuunra zin ngip, nde tivir vhuunra muunri. Nde zazera Krai tivara mbe khivir san muunri.

⁶ Nde zazera mba gumgi mbararagenj vuzvugi bunin vhuunra suanri. Nde ndikndiga vhuunra muunv harigi gumgi nzuai buni ngarkari.

Por Tikikus gum Onesimus ga sarigim, mani Korosin vui.

⁷ Tikikus ana mba gu mbui njaari, ana za nta bun nde suanga. Tikikus, ana nza phorgap ngarav, ana nza phorgap guigira Zisas kothigi guma ma. Nza guigira ana vuzvugi. Ana vhira guigira Guma Bakimen njaara guman vhuun ma.

⁸ Gu mba bigina niñera nzuav, ana sarigim, ana nden han vui. Ana ngip, nde suanrim, nde nza ki kiri tiva kangir zav, nza ram mbui kiri

4:3 Ro 15.30; 1 Ko 16.9; Ef 6.19 4:4 Ef 6.20 4:5 Ef 5.15-16; 1 Te 4.11-12 4:6 Mk 9.50; Ef 4.29; Kor 3.16; 1 Pi 3.15 4:7 FG 20.4; 2 T 4.12 4:7 Ef 6.21-22

tiva muungiap wari ki. Ana vhira nde ndavi havharirga.

⁹ Gu vhira Onesimus ga sarigim, ana Tikikus phorga mbar vui. Onesimus, ana nza phorgap guigira Zisas kothigi guma ma. Ana vhira guigira Zisas zin vui guma ma. Nza guigira ana vuzvugi. Ana vhira nden kivntok ma. Mani khanj hi bigi, mani za nta bun nde suanga.^a

Por won raar vhuun Korosinj ga ndii.

¹⁰ Aristarkus, ana na phorgap phena tivanan ki, ana won raar vhuun nde ndii. Mak, ana Barnabas nguk ma, ana vhira won raar vhuun nde ndii. Ana maanj muungip ngip, nden hirim, nde ana ndikndigip, gu khar nde nzuai kamej zin ngip ana ndigiri.

¹¹ Zisas, mbe kha zi phorgap anan kaai, Zastus, ana vhira won raar vhuun nde ndii. Mbe Zudain rigar, mbe kha gumgira na phorgap Fhe Bakime won gumgi gu mbigi ganirim, mbe ana piin kirga njara khavav, mbe kurkurar vhuun na mbui.

¹² Epafra, ana vhira won raar vhuun nde ndii. Ana nden kivntok ma, ana vhira Krai Zيسان njara guma ma. Ana vhira zazera khanj tigap havhargiap nde nzuav Fhe Bakime phorga nzuai, ana nden kurkurarim, nde khanj tigi havhargip mba guigira Zisas kothigi gumgi gu mbigi farar muungip, nde guigira Fhe Bakimen tivi kanjip, guigira za ana vuzvugi kanjirga.

4:9 Fm 1.10-12 **a** **4:9** Onesimus, ana Firemonan njara khina mbui guma ma. Ndu Por Firemon ndi khergi gava gani. **4:10** FG 12.12; 12.25; 13.13; 15.37-39; 19.29; 27.2; Fm 1.24 **4:12** Kor 1.7; Fm 1.23

13 Gu khañ nde suan za mbui, ana khañ tìgap ñaara mbatìga mbuav, nden kurkurav, vñira kha Raodisia ñgu bakimen ki siosan ki gumgi gu mbigir kurkurav, vñira Hieraporis ñgu bakimen ki siosan ki gumgi gu mbigi, ana vñira mben kurkurigi.

14 Ruk, nzan rñi phenan ñgari guma, nza guigira ana vuzvugi. Mani Demas gum, wani won raar vhuun nde ndñi. **b**

15 Gu khañ vuzvugi, nde nan raar vhuun ndiv, guigira Zisas kothìgi gumgi gu mbigi, mbe Raodisia siosan ki, nde anan mbe nññri. Nde vñira nan raar vhuun Nimfar nññv, vñira ana phenan phogi ga vhui siosan ki gumgi gu mbigir nññri.

16 Nde kha gava gangip, nde vñira ana ndiv, Raodisia ñgu bakimen ki siosan ki gumgi gu mbigi ndi mbarari, mbe vñira ana gangiri. Gu Raodisia siosan ki gumgi gu mbigi ndi mbarigi gap, nde vñira ana gangiri.

17 Nde khañ Arkipus ga suañri, “Ndu mba Guma Bakime han ndigi ñaar, ndu tuituigira ana ganiv, ndu tuituigira ana muunv, ana vñizgiri.”

18 Gu Por, gu nduara kha raar vhuun khergiap, nde ndi mbai. Nde na ndikndigiri, gu phena tivanenra ki. Fhe Bakimen fhura nden kora mbui kora muumbar nde phorgi kiri.

4:14 2 T 4.10-11; Fm 1.24 **b** **4:14** Gumgi vñirve kha ndikndiga ga mbui, Ruk nduara kha gava phuni khergi. Fhe Bakimen buni vhuun ki gap, Ruk ana fharigi ne, ana ana khergiap, Fhe Bakime farasarigi ñaari gumgi ñgarigi buni ki gap, Farsarigi Gumgi (Aposer) ana vñira ana khergi. **4:17** Fm 1.2 **4:18** 1 Ko 16.21; 2 Te 3.17

Fhe Bakimen Kaman Kamen Kire New Testament

copyright © 2001-2004 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

PDF generated using Haiola and XeLaTeX on 2 May 2025 from source files dated 2 May 2025

bfbcf792d-a7df-5425-8e30-1e4968f04468